

ხელშეკრულება სახელმწიფო შესყიდვის შესახებ

ქ. თბილისი

30 სექტემბერი, 2011წ.

ერთის მხრივ სსიპ სამოქალაქო რეესტრის სააგენტო (მდებარე ქ. თბილისი, წერეთლის ქ. №67ა) წარმოდგენილი თავმჯდომარის მოადგილის ნინო ინწკირველის სახით, შემდგომში წოდებული „შემსყიდველი №1“, სსიპ საჯარო რეესტრის ეროვნული სააგენტო (მდებარე ქ. თბილისი, წმ. ნიკოლოზის/წ. ჩხეიძის ქ. №2) წარმოდგენილი შესყიდვების სამსახურის უფროსის ლაშა მერაბიშვილის სახით, შემდგომში წოდებული „შემსყიდველი №2“, სსიპ აღსრულების ეროვნული ბიურო (მდებარე ქ. თბილისი, დ. აღმაშენებლის ხეივანი, მე-10 კილომეტრი) წარმოდგენილი შესყიდვების სამსახურის უფროსის ვლადიმერ ლუდუშაურის სახით, შემდგომში წოდებული „შემსყიდველი №3“ და მეორეს მხრივ შპს „თბილი სახლი“ (მისამართი: ქ. თბილისი, კოსტავას გამზ. №76), შემდგომში წოდებული „მიმწოდებლად“, წარმოდგენილი მისი დირექტორის ვლადიმერ ნარტყოშვილის სახით, ყველა ერთად წოდებული როგორც „მხარეები“, ვმოქმედებთ, რა სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, საქართველოს იუსტიციის მინისტრის ამა წლის 9 სექტემბრის №1323 ბრძანების საფუძველზე ჩატარებული №SPA110023759 გამარტივებული ელექტრონული ტენდერის შედეგად, ვდებთ სახელმწიფო შესყიდვის შესახებ ხელშეკრულებას, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის საფუძველზე.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.

1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ქ. ბათუმის „იუსტიციის სახლის“ შენობის მოწყობილობების შეკეთება და ტექნიკური მომსახურების(CPV-50700000) სახელმწიფო შესყიდვა დანართი №1-ის (ფასების ცხრილი), დანართი №2-ის და წინამდებარე ხელშეკრულებით გათვალისწინებული პირობების შესაბამისად

3. ხელშეკრულების ღირებულება

3.1 ხელშეკრულების ღირებულება შეადგენს 78705 (სამოცდათვრამეტი ათას შვიდასხუთი) ლარს.

3.2 ხელშეკრულების ღირებულება შეიძლება შეიცვალოს (შემცირდეს) ფაქტიურად განხორციელებული მომსახურების გათვალისწინებით.

3.3 ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1 მიმწოდებელი ვალდებულია:

ა) განახორციელოს ამ ხელშეკრულებით განსაზღვრული მომსახურების გაწევა დანართი №1-ის და დანართი №2-ის შესაბამისად 2011 წლის 1 ოქტომბრიდან 2012 წლის 1 სექტემბრამდე;

ბ) განახორციელოს ხელშეკრულებით გათვალისწინებული მომსახურება ქ. ბათუმის იუსტიციის სახლში, მისამართზე: ქ. ბათუმი, შერიფ ხიმშიაშვილის ქუჩა.

გ) განახორციელოს მის ხელთ არსებული შემსყიდველის კუთვნილი დანადგარების დაცვა და მათი დაზიანების შემთხვევაში (რომელიც გამოწვეულია მიმწოდებლის მიერ ნებით თუ უნებლიედ) აუნაზღაუროს შემსყიდველს მათი ღირებულება;

დ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხელშეკრულების შესრულების კონტროლი

5.1 შემსყიდველის მიერ ხელშეკრულების შესრულების კონტროლი განხორციელდება პერიოდულად როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

5.2 ხელშეკრულების ინსპექტირებას განახორციელებენ მიღება-ჩაბარების აქტზე ხელმოწერი პირები: სსიპ სამოქალაქო რეესტრის სააგენტოს ბათუმის სამსახურის უფროსი ირაკლი წაქაძე, სსიპ საჯარო რეესტრის ეროვნული სააგენტოს სამეურნეო სამსახურის უფროსი ნოდარ გომარელი და სსიპ აღსრულების ეროვნული ბიუროს აჭარისა და გურიის სააღსრულებო ბიუროს უფროსი მირიან ხარაბაძე, ხოლო ხელშეკრულების პირობების შესრულების კონტროლს განახორციელებს სსიპ სამოქალაქო რეესტრის სააგენტოს შესყიდვების სამსახურის მთავარი სპეციალისტი ლაშა ბოკუჩავა.

5.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი გაწეულ

მომსახურებაში, მიმწოდებელი ვალდებულია დაუყოვნებლივ გამოასწოროს წუნი.

6. მომსახურების მიღება-ჩაბარების წესი

6.1. მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის დადებითი დასკვნის საფუძველზე.

6.2. ხელშეკრულებით გათვალისწინებული მიწოდებული მომსახურების შესახებ მიღება-ჩაბარების აქტი დგება ყოველი მომდევნო თვის 15 რიცხვამდე.

7. ხელშეკრულების პირობების გადასინჯვის შესაძლებლობა

7.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კონმდებლობით დადგენილი წესით.

7.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

7.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ორი კვირით ადრე წერილობით შეატყობინოს მეორე მხარეს შესაბამისი ინფორმაცია.

8 ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი №1, შემსყიდველი №2 და შემსყიდველი №3 ხელშეკრულების ფასთა ცხრილით (დანართი №1) გათვალისწინებული მომსახურების ღირებულებას იხდიან თანაბარწილად.

8.3 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (კანონმდებლობით გათვალისწინებულ შემთხვევაში) 20 (ოცი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8.4 ანგარიშსწორების საფუძველს წარმოადგენს მიღება-ჩაბარების აქტი და კანონმდებლობით გათვალისწინებულ შემთხვევაში მიმწოდებლის მიერ წარმოდგენილი საგადასახადო ანგარიშ-ფაქტურა.

9 ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10 ხელშეკრულების პირობების შეუსრულებლობა

10.1 მომსახურების გაწევის ვადის გადაცილების შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 0.01%-ის ოდენობით.

10.2 წინამდებარე ხელშეკრულების 5.3 პუნქტით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

10.3 წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, შემსყიდველს ეკისრება პირგასამტეხლო ყოველ ვადაგადაცილებულ დღეზე გადაუხდელი თანხის 0.02%-ის ოდენობით.

10.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11 ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12 დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგინილი წესის შესაბამისად მიმართოს საქართველოს სასამართლოს.

13 ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14 ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2012 წლის 5 ოქტომბრის ჩათვლით.

15 ფორს-მაჟორი

15.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16 სხვა პირობები

16.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი მიმწოდებელთან, ხოლო სამი შემსყიდველთან).


16.3 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17. მხარეთა რეკვიზიტები:

შემსყიდველი:

სსიპ სამოქალაქო რეესტრის სააგენტო
მის: ქ. თბილისი, აკ. წერეთლის გამზ. 67ა
ს/ს „საქართველოს ბანკი“ ც/ფ
საიდენტიფიკაციო კოდი: 202307404
BIC კოდი: BAGAGE22
ა/ა № GE20BG0000000122031300

სამოქალაქო რეესტრის სააგენტოს
თავმჯდომარის მოადგილე


ნინო ინჯირველი



საჯარო რეესტრის ეროვნული სააგენტო
მის: ქ. თბილისი,
წმინდა ნიკოლოზის/ნ.ჩხეიძის ქ. #2
ს/ს „საქართველოს ბანკი“ ც/ფ
BIC კოდი: BAGAGE22
ა/ა № 169995200;
ს/კ №202238621

საჯარო რეესტრის ეროვნული სააგენტოს
შესყიდვების სამსახურის უფროსი

ლაშა მერაბიშვილი

სსიპ აღსრულების ეროვნული ბიურო
მის: ქ. თბილისი, დ. აღმაშენებლის ხეივანი,
მე- 10 კილომეტრი
სს „თიბისი ბანკი“-ს მარჯანიშვილის ფილიალი
საიდენტიფიკაციო კოდი: 205263873
ბანკის კოდი: 220101850
ა/ა: GE76TB7010101010101010



აღსრულების ეროვნული ბიუროს
შესყიდვების სამსახურის უფროსი

ვლადიმერ ლუღუშაური






მიმწოდებელი:

შპს „თბილი სახლი“
მის: ქ. თბილისი, კოსტავას გამზ. №76
ს/ს „საქართველოს ბანკი“
საიდენტიფიკაციო კოდი: 204976179
BIC კოდი: BAGAGE22
ა/ა № GE19BG0000000175579101

შპს „თბილი სახლი“-ს
დირექტორი


ვლადიმერ ნარტყოშვილი

ფასების ცხრილი

პრექტენდენტის დასახელება შპს „თბილი ხახლი“

№	მომხმარებლის დასახელება	საქონლის დასახელება	რაოდენობა	მომსახურების ღირებულება ერთი თვის მანძილზე	საერთო ღირებულება (ლარში)
1	2	3	4	5	6
1	წყლის ტუმბოს მონიტორინგი	LOWARA-PM 16/A	1 (კალი)	476.27	5238.97
2	კონდიციონერების მონიტორინგი, ფილტრების წმენდა/შეცვლა, საჭიროების შემთხვევაში დაზიანების ან გაუმართაობის გონივრულად ვააში აღმოფხვრა	FERROLI 18 KVA	2 (კალი)	636.40	7000.40
		FERROLI 24 KVA	2 (კალი)	636.40	7000.40
		FERROLI 20 KVA	2 (კალი)	636.40	7000.40
		FERROLI 14 KVA	2 (კალი)	636.40	7000.40
3	სახანძრო ტუმბოს მონიტორინგი	KRM-HP 59/2x55kv+3kw	2 (კალი)	476.27	5238.97
4	ჰიდროფორის წყლის ტუმბოს (მართვის აპარატით) მონიტორინგი	TH-2XSBTV 100/7	2 (კალი)	476.27	5238.97
5	ჰაერის ცირკულაციის დანადგარის მონიტორინგი, ფილტრების წმენდა /შეცვლა	(AHU) TK-RD	1 (კალი)	294.40	3238.40
6	გენერატორის 'ხედამხედელობა მუშაობის პროცესზე, მოსალოდნელი ხარვეზის დიაგნოსტიკა და	AKSA-370 KVA,	1 (კალი)	476.27	5238.97
7	ჩიღერების მონიტორინგი, წყლის წნევის ყოველდღიური	FERROLI 160 KVA	2 (კალი)	476.27	5238.97
		FERROLI 250 KVA	1 (კალი)	476.27	5238.97
8	ფანკოილების ფილტრების წმენდა/შეცვლა	TOP FAN VN-3V60EST	175 (კალი)	504.86	5553.46
9	შენობაში ჰაერის შემოტანი დანადგარის მონიტორინგი, ფილტრების წმენდა/შეცვლა	TOP FAN 60 ST	32 (კალი)	476.26	5238.86
10	წყლის გამაცხელებელი ავზის მონიტორინგი	FERROLI, 80 ლიტრიანი	18 (კალი)	476.26	5238.86
სულ				7155.00	78705.00

პრექტენდენტის ხელმოწერა

დირექტორი:



მალხაზ კურტანიძე

შენიშვნა: მომსახურება განხორციელდება 2011 წლის სექტემბრიდან 2012 წლის 1 სექტემბრამდე.

ქანთარია ი.შ.



საქართველო, თბილისი 0160
ვაჟა-ფშაველას გამზ. №20
ტელ./ფაქსი: (995 32) 311 535, 311 525
ვებ-გვერდი: www.casacalda.ge
ელ-ფოსტა: casacalda@yahoo.com

გბავსობთ

ქ. ბათუმის იუსტიციის სახლის
მექანიური სისტემების მომსახურებას

15.09.20116.

№	მომსახურე პერსონალის ჩამონათვალი	მომ. პერსონალის რაოდენობა	სამუშაო საათები	თვის ანაზღაურება ერთ.	თვის ანაზღაურება
1	სერვის სამსახურის ხელმძღვანელი	1 პერსონა	9 ⁰⁰ -18 ⁰⁰	2 280.0 ლარი	2 280.0 ლარი
2	გათბობა-ჟონღალის მოვლა-პირდაპირი	1 პერსონა	9 ⁰⁰ -9 ⁰⁰ ერთი	1 710.0 ლარი	1 710.0 ლარი
3	ელექტრიკოსი (ღამ-2აჯი. ღამ-1აჯი)	2 პერსონა	მომსახურე	855.0 ლარი	1 710.0 ლარი
4	ცენტრალური დანადგარების მომსახურება	3 პერსონა	8 ⁰⁰ -20 ⁰⁰ 2-ჯერ	485.0 ლარი	1 455.0 ლარი

ჯამი: 7 155.0 ლარი

სულ მთლიანი ყოველთვიური თანხა შეადგენს

7 155.0 ლარი

შ.პ.ს. "თბილისი სახლი"-ს დირექტორი



შ ე თ ა ნ ხ მ ე ბ ა

ქ. თბილისი

3 ნოემბერი, 2011 წელი

ერთის მხრივ სსიპ სამოქალაქო რეესტრის სააგენტო (მდებარე ქ. თბილისი, წერეთლის ქ. №67ა) წარმოდგენილი თავმჯდომარის მოადგილის ნინო ინჭვირველის სახით, შემდგომში წოდებული „შემსყიდველი №1“, სსიპ საჯარო რეესტრის ეროვნული სააგენტო (მდებარე ქ. თბილისი, წმ. ნიკოლოზის/წ. ჩხეიძის ქ. №2) წარმოდგენილი შესყიდვების სამსახურის უფროსის ლაშა მერაბიშვილის სახით, შემდგომში წოდებული „შემსყიდველი №2“, სსიპ აღსრულების ეროვნული ბიურო (მდებარე ქ. თბილისი, დ. აღმაშენებლის ხეივანი, მე-10 კილომეტრი) წარმოდგენილი შესყიდვების სამსახურის უფროსის ვლადიმერ ლუღუშაურის სახით, შემდგომში წოდებული „შემსყიდველი №3“ და მეორეს მხრივ შპს „თბილი სახლი“, შემდგომში წოდებული „მიმწოდებლად“, წარმოდგენილი მისი დირექტორის ვლადიმერ ნარტყოშვილის სახით, ყველა ერთად წოდებული როგორც „მხარეები“, ვხელმძღვანელობთ რა საქართველოში მოქმედი კანონმდებლობით, ვთანხმდებით შემდეგზე:

1. შეთანხმების საგანი

მხარეებს შორის 2011 წლის 30 სექტემბერს გაფორმებულ სახელმწიფო შესყიდვის შესახებ ხელშეკრულებაში შევიდეს შემდეგი სახის ცვლილება:

1.1 შეიცვალოს ხელშეკრულების მე-5 მუხლის 5.2 პუნქტი და ჩამოყალიბდეს შემდეგი რედაქციით:

„5.2 ხელშეკრულების ინსპექტირებას განახორციელებენ მიღება-ჩაბარების აქტზე ხელმომწერი პირები: სსიპ სამოქალაქო რეესტრის სააგენტოს ბათუმის სამსახურის უფროსი ირაკლი წაქაძე, სსიპ აღსრულების ეროვნული ბიუროს აჭარისა და გურიის სააღსრულებო ბიუროს უფროსი მირიან ხარაბაძე, სსიპ საჯარო რეესტრის ეროვნული სააგენტოს მხრიდან ინსპექტირებას განახორციელებს ბათუმის სარეგისტრაციო სამსახურის უფროსი ირაკლი არჩაია, ხოლო მიღება-ჩაბარების აქტზე ხელმომწერი პირია სამეურნეო სამსახურის უფროსი ნოდარ გომარელი. ხელშეკრულების პირობების შესრულების კონტროლს განახორციელებს სსიპ სამოქალაქო რეესტრის სააგენტოს შესყიდვების სამსახურის მთავარი სპეციალისტი ლაშა ბოკუჩავა.

2. შეთანხმების მოქმედების ვადა

2.1 წინამდებარე შეთანხმება მოქმედებს მასზე ხელის მოწერის დღიდან.

2.2 შეთანხმება წარმოადგენს მხარეთა შორის 2011 წლის 30 სექტემბერს გაფორმებული ხელშეკრულების განუყოფელ ნაწილს და მოქმედებს მასთან ერთად.

2.3 ხელშეკრულების ყველა სხვა პირობა რჩება უცვლელი.

3. მხარეთა იურიდიული მისამართები და რეკვიზიტები

შემსყიდველი:

სამოქალაქო რეესტრის სააგენტოს
თავმჯდომარის მოადგილე

ნინო ინჭვირველი

საჯარო რეესტრის ეროვნული სააგენტოს
შესყიდვების სამსახურის უფროსი

ლაშა მერაბიშვილი

აღსრულების ეროვნული ბიუროს
შესყიდვების სამსახურის უფროსი

ვლადიმერ ლუღუშაური

მიმწოდებელი:

შპს „თბილი სახლი“-ს
დირექტორი

ვლადიმერ ნარტყოშვილი

